

CYNGOR BWRDEISTREF SIROL CAERFFILI
BWL ROAD, NELSON
GORCHYMYN TRAFFIG UNFFORDD ARBROFOL GYDA LÔN FEICIO WRTHLIF 2021

Mae Cyngor Bwrdeistref Sirol Caerffili ('y Cyngor'), wrth weithredu ei bwerau o dan Ddeddf Rheoleiddio Traffig Ffyrdd 1984 ('y Ddeddf') a'r holl bwerau galluogi eraill, ac ar ôl ymgynghori â Phrif Swyddog yr Heddlu yn unol â Rhan III o Atodlen 9 i'r Ddeddf, drwy hyn, yn gwneud y Gorchymyn a ganlyn:

- 1 Gellir cyfeirio at y Gorchymyn hwn fel Gorchymyn (Traffig Unffordd Arbrofol gyda Lôn Feicio Wrthlif) (Bwl Road, Nelson) Cyngor Bwrdeistref Sirol Caerffili 2021, a bydd yn dod i rym ar **XX Mawrth** 2021
- 2 Yn y gorchymyn hwn

mae i **"beic"** yr ystyr a roddir i "cycle" yn adran 192 o Ddeddf Traffig Ffyrdd 1988, sef "a bicycle, a tricycle, or a cycle having four or more wheels, not being in any case a motor vehicle". Mae beic a gynorthwyr yn drydanol sy'n bodloni gofynion Beiciau Pedal a Gynorthwyr yn Drydanol (EAPC) yn cael ei ystyried yn feic.

ystyr **"lôn feicio"** yw ardal y ffordd gerbydau ar hyd Bwl Road sydd wedi'i dynodi'n lôn feicio wrthlif y mae cerddwyr yn ei chyd-ddefnyddio.
- 3 Ac eithrio'r hyn a ddarperir yn Erthygl 4, ni chaiff neb, ac eithrio ar gyfarwyddyd neu gyda chaniatâd cwnstabl yr heddlu neu swyddog cymorth cymunedol yr heddlu, achosi na chaniatáu i unrhyw gerbyd fynd ymlaen, ac eithrio tua'r gogledd fel y'i dangosir, ar hyd y rhan o Bwl Road a nodir fel traffig unffordd ar y cynllun sydd ynghlwm wrth y Gorchymyn hwn, ac eithrio reidio beic tua'r de yn unig yn y lôn feicio ddynodedig.
- 4 Ni fydd dim yn Erthygl 3 o'r Gorchymyn hwn yn gwahardd y cerbydau a ganlyn rhag mynd ymlaen, ac eithrio i'r cyfeiriad a ddangosir, ar hyd y rhan o'r ffordd a nodir fel traffig unffordd ar y cynllun sydd ynghlwm wrth y Gorchymyn hwn:
 - a. Cerbydau'r gwasanaethau brys
 - b. Cerbydau a ddefnyddir yn rhan o wasanaeth awdurdod lleol ar gyfer cynnal a chadw priffyrdd neu wasanaethau amgylcheddol
 - c. Cerbydau a ddefnyddir yn rhan o wasanaeth cyfleustodau cyhoeddus ar gyfer cynnal a chadw cyfarpar yn unol â'r dyletswyddau statudol.
- 5 Bydd y gorchymyn arbrofol am gyfnod o ddeunaw mis ac, yn ystod y cyfnod hwnnw, bydd y Cyngor yn ystyried a fydd darpariaeth y gorchymyn hwn yn parhau i fod mewn grym am gyfnod amhenodol. Gall y Pennaeth Isadeiledd, gan weithredu ar ran y Cyngor, derfynu'r arbrawf, neu ei addasu, os bydd angen gwneud hynny am resymau diogelwch, yn ei farn ef, o fewn y chwe mis cyntaf.

Rhoddwyd dan sêl gyffredin Cyngor Bwrdeistref Sirol Caerffili

ar _____ 2021

Gosodwyd sêl gyffredin
Cyngor Bwrdeistref Sirol Caerffili
yma ym mhresenoldeb

Swyddog Awdurdodedig